



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 13 DE SU 01/02/2023

OGETU: *DII NATZIONALI CONTRAS A SU BULLISMU E A SU CYBERBULLISMU: APROVATZIONI
PROGRAMA EVENTU "DICIAMO NO AL BULLISMO".*

S' annu 2023, su 01 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
No
Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi s' Aministratzioni Comunali bolit promovi e agiudai totu is initziativas po parai fronti a s' arriscu de bullismu, promovi s' educatzioni a s' arrespetu s' unu cun s'àteru e a s'avaloramentu de is diversidadis e a spainai sa cultura de sa legalidadi;

Cunsiderau chi sa Cumissioni consiliari de is Oportunidades Parivilis, paris cun s' Assessorau a is Oportunidades Parivilis, a sa de IV Cumissionis – Políticas Culturalis e Formativas e a sa de VI Cumissionis – Políticas Sotzialis e Comunitàrias, bolit organizai po sa Dii natzionali contra a su bullismu e a su cyberbullismu s' eventuu “Diciamo NO al bullismo” po sa sensibilizazioni de is studiantis apitzus de su bullismu;

Biu su programa de is eventus “Diciamo NO al bullismo”, previdiu po su 07 de friàrgiu 2022 in su Palatzièddu de su sport de bia de Siena cun sa partecipazioni de is studiantis de is classis 3 de sa scola segundària de primu gradu e de is studiantis de totu is classis de sa scola segundària de segundu gradu de su territòriu comunali, chi previdit fintzas testimonias asuba de su bullismu, in sa Domu Melis;

Cunsiderada sa Lei 29 de maju 2017, n. 71: “Dispositzionis a defensa de is minoris po sa preventzioni e contras a su fenòmenu de su cyberbullismu”;

Ca su Consillu regionali de Sardigna at aprovau sa Lei regionali 4 de onniasantu 2022, n. 18 cun ogetu “Dispositzionis in matèria de preventzioni e contras a is fenòmenus de su bullismu e de su cyberbullismu”;

Cunsiderau chi su 7 de friàrgiu de cada annu, cun initziativa de su Ministeru de s' Istrutzioni, est sa “Dii natzionali contras a su bullismu e su cyberbullismu in scola”;

Arriciu parri a favori po su chi pertocat sa regularidadi tècnica cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori Sa Dotora Casula Franca;

Postu chi cunforma a s' art. 49, c. 1, de su D.Lgs. n. 267/2000 custu provedimentu no est sugetu a parri de regularidadi contàbili ca no cumportat mudamentus a sa situatzioni econòmica – finantziària o asuba de su patrimoniu de s' Enti;

DELÌBERAT

De aprovai s' initziativa promòvia de sa Cumissioni consiliari de is Oportunidades Parivilis, paris cun s' Assessorau a is Oportunidades Parivilis, a sa de IV Cumissionis – Políticas Culturalis e Formativas e a sa de VI Cumissionis – Políticas Sotzialis e Comunitàrias po sa Dii natzionali contras a su bullismu e a su cyberbullismu;

De aprovai su programa de is eventus “Diciamo NO al bullismo”, in acàpiu a custa Deliberatzioni etotu, prevèdiu po su 07 de friàrgiu 2022 in su Palatzieddu de su sport de bia de Siena cun sa partecipatzioni de is studiantis de is classis 3 de sa scola secundària de primu gradu e de is studiantis de totu is classis de sa scola secundària de segundu gradu de su territòriu comunali;

De decrarai esecutiva custa deliberatzioni etotu, cunforma a s’ art. 134, corriedda 4, de su D.Lgs. 18 de austu 2000, n. 267.
